

পথ-মোচন

অনেক সময় দেখা যায় যে প্রশ্ন সহজ হওয়ায় পরীক্ষার্থীরা ফেল করিতে থাকে। এক-একটি সহজ বিষয়ও নানা প্রকার কল্পিত রূপক অর্থের আবরণে চাপা পড়িয়া যায়, নিতান্ত সহজ কথা আধ্যাত্মিক বাখ্যার আতিশয্যে ঝাপসা বলিয়া মনে হইতে থাকে। রবীন্দ্রনাথের লেখা সম্বন্ধেও দেখা যায় যে একটি বিশেষ তত্ত্ব-কথা বা একটি বিশেষ রূপক অর্থ আবিষ্কার করিবার যৌকো অনেক সময়ে লোকে মূল বিষয়টিকে ভুলিয়া যায়, আসল কথাটি সহজ বলিয়াই লোকে ভুল বুঝে। “মুক্তধারা” নাটকখানি সম্বন্ধেও এইরূপ ঘটবার সম্ভাবনা আছে, সেইজন্য গোড়াতেই “মুক্তধারার” সহজ অর্থটিকে সহজ ভাবে বুঝিয়া লইবার চেষ্টা করা দরকার।

(১)

নাটকখানির সম্মুখে সমস্ত মঞ্চ জুড়িয়া পড়িয়া রহিয়াছে নানা মানুষের চলাচলের পথ; দূরে আকাশে একটা অদ্রভেদী লৌহযন্ত্রের মাথা অস্থরের মত হাঁ করিয়া রহিয়াছে, অপর দিকে ভৈরব-মন্দির-চূড়ার ত্রিশূল; পিছনে বাঁধন-বাঁধা “মুক্তধারা”, জলের শব্দ আসিয়া পৌঁছিতেছে কিনা স্পষ্ট বুঝা যায় না; মাঝে মাঝে ভৈরব-মন্ত্র শুনা যাইতেছে—

জয় ভৈরব, জয় শঙ্কর,
জয় জয় জয় শ্রলয়ঙ্কর,
শঙ্কর শঙ্কর।

আর এই সমস্তের মাঝখানে রহিয়াছেন উত্তরকূটের যুবরাজ অভিজিৎ।

অভিজিৎের জন্ম রাজ-বাড়িতে হয় নাই মুক্তধারা ঝর্ণা-তলা হইতে তাঁহাকে কুড়াইয়া পাওয়া গিয়াছিল; তাঁহার কপালে রাজচক্রবর্তীর চিহ্ন দেখিয়া তাঁহাকে যুবরাজ করা হইয়াছে। অভিজিৎ এ খবর জানিতেন না, তবুও ঝর্ণার শব্দে পথের স্বরে তাঁহার মন উতলা হইয়া উঠিত। গৌরীশিখরের দিকে তাকাইয়া যুবরাজ ভাবিতেন—“যে-সব পথ এখনো কাটা হয়নি ঐ দুর্গম

পাহাড়ের উপর দিয়ে সেই ভাবী কালের পথ দেখতে পাচ্ছি—দূরকে নিকট করবার পথ।”

একদিন যুবরাজ শুনিলেন যে মুক্তধারার উৎসের নিকটে কোন্ ঘরছাড়া মা তাঁহাকে জন্ম দিয়াছে। অভিজিৎ বুঝিলেন যে তাঁহার জন্মক্ষণে গিরিরাজ তাঁহাকে পথে অভ্যর্থনা করিয়াছেন, ঘরের শব্দ তাঁহাকে ঘরে ডাকে নাই। ইহার পর হইতে যুবরাজকে অনেক সময়েই আর রাজবাড়িতে দেখা যাইত না, তিনি রাজবাড়ি ছাড়িয়া বর্ণাতলায় চলিয়া যাইতেন। জিজ্ঞাসা করিলে বলিতেন—“ঐ জলের শব্দে আমি আমার মাতৃভাষা শুনতে পাই”, বলিতেন—“আমি পৃথিবীতে এসেছি পঞ্চ কাটবার জন্তে, এই খবর আমার কাছে এসে পৌঁছেছে।”

যুবরাজকে তখন শিবতরাইয়ের শাসনভার অর্পণ করিয়া মুক্তধারার নিকট হইতে দূরে পাঠাইয়া দেওয়া হইল। অভিজিৎ কিন্তু মুক্তধারার মাতৃভাষা ভুলিতে পারিলেন না। শিবতরাইয়ের অন্নচলাচলের পথ বন্ধ করিবার জন্ত অনেকদিন হইল নন্দিসঙ্কটে গড় গাঁথিয়া তোলা হইয়াছিল, অভিজিৎ এই বহুদিনের পুরাতন গড় ভাঙিয়া নন্দিসঙ্কটের পথ খুলিয়া দিলেন। উত্তরকূটের স্বার্থে আঘাত লাগায় উত্তরকূটের অধিবাসীরা উত্তেজিত হইয়া উঠিল, যুবরাজ অভিজিৎকে উত্তরকূটে ফিরিয়া আসিতে হইল।

অভিজিৎ উত্তরকূটে ফিরিয়া আসিয়া প্রথমেই দেখিলেন মুক্তধারার বাঁধ বাঁধা হইয়া গিয়াছে। শিবতরাইয়ের প্রজাদের কিছুতেই বাঁধ্য করা যায় নাই। এতদিন পরে যন্ত্ররাজ বিভূতি মুক্তধারার জলকে আয়ত্ত করিয়া তাহাদিগকে বশ মানাইবার উপায় করিয়া দিয়াছে, শিবতরাইয়ের প্রজাদের পিপাসার জল এইবার বন্ধ করা চলিবে, শিবতরাইয়ে হুঁভিক্ষ আপন্নপ্রায়। এই অসামান্য কীটিকে পুরস্কৃত করিবার উপলক্ষ্যে উত্তরকূটের সমস্ত লোক উৎসব করিতেছে। যন্ত্ররাজ বিভূতির প্রশংসায়, যন্ত্র-মহিমা-জয়গানে সমস্ত নগরী মুখরিত।

কিন্তু এই বাঁধ ত সহজে বাঁধা হয় নাই। বাঁধ বারবার ভাঙিয়া পড়িয়াছে, কত লোক ধূলাবালি চাপা পড়িয়াছে, কতলোক বন্ধ্যায় ভাসিয়া গিয়াছে। উত্তরকূটে যখন মজুর পাওয়া যায় নাই তখন রাজার আদেশে প্রত্যেক ঘর হইতে আঠারো বৎসরের উপর বয়সের যুবককে জোর করিয়া ধরিয়া আনা হইয়াছিল, তাহাদের মধ্যে অনেকেই ফিরে নাই। সেখানকার কত মায়ের অভিশাপের উপর যন্ত্র-শক্তি জয়ী হইয়াছে। মায়ের ক্রন্দন কিন্তু থামে

নাই। জয়োৎসবের মধ্যেও শুনা যাইতেছে, জনাই 'গ্রামের অম্বা কাঁদিয়া বেড়াইতেছে—“স্বমন! আমার স্বমন! বাবা আমার স্বমন এখনো ফিবুল না!……তাকে যে কোথায় নিয়ে গেল। আমি ভৈরবমন্দিরে পূজো দিতে গিয়েছিলুম—ফিরে এসে দেখি তাকে নিয়ে গেচে। বাবা স্বমন! স্বর্ঘ্য ত অস্ত যায়—আমার স্বমন'ত এখনো ফিবুল না!”

উস্কোথুস্কো-চুল হাতে বাঁকা ডালের লাঠি পাগল বটুক সকলকে ডাকিয়া বলিতেছে—“সাবধান, বাবা, সাবধান। যেয়ো না ও পথে, সময় থাকতে ফিরে যাও। ……বলি দেবে, নরবলি। আমার ছই জোয়ান নাতিকে জোর করে নিয়ে গেল, আর তারা ফিবুল না……সাবধান, বাবা সাবধান, যেওনা ও পথে।”

একদিকে নাগরিকদিগের উৎসবকোলাহল, অপর দিকে মায়ের ক্রন্দন, পাগলের অভিশাপ, তার মাঝে থাকিয়া থাকিয়া ধ্বনিত হইতেছে—

তিমির-হৃদবিদারণ

জ্বলদগ্নি-নিদারুণ,

মরু-শ্মশান-সঙ্গর,

শঙ্কর শঙ্কর!

যুবরাজ ফিরিয়া আসিয়া এ সমস্তই দেখিলেন। পাগল বটুক আসিয়া তাঁহাকে খবর দিল—“জান না, যুবরাজ? ওরা যে আজ যন্ত্রবেদীর উপর তৃষ্ণারাক্ষসীর প্রতিষ্ঠা করবে। মাহুষ বলি চায়।” অম্বা আসিয়া তাঁহাকে জিজ্ঞাসা করিল—“স্বমন! বাবা স্বমন! যে পথ দিয়ে তাকে নিয়ে গেল সে পথ দিয়ে তোমরা কি কেউ যাওনি?”

যুবরাজ বুঝিলেন যে রাজপ্রাসাদের শাসন-নীতির সহিত তাঁহার জীবনের কোন সত্য মিলন ঘটা সম্ভবপর নহে। মুক্তধারার উৎসের নিকট তাঁহার জন্ম, পথ খুলিয়া দিবার আস্থানটিকে তাঁহার অন্তরতম চৈতন্তের মধ্যে ধারণ করিয়া তিনি জয়লাভ করিয়াছেন, তাই অভিজিৎ স্পষ্ট বুঝিলেন যে রাজগৃহে তাঁহার স্থান নাই। ভাই-বোনের সম্বন্ধের ছায় অভিজিতের সহিত মুক্তধারার যোগ ভিতরে বাহিরে; এই ভিতরকার যোগের পরিচয় তিনি বাহিরের ঘটনার মধ্যেও দেখিতে পাইলেন, সেইজন্মই মুক্তধারার বাঁধ-বাঁধার বেদনা অভিজিৎকে এমন কঠিনভাবে আঘাত করিল। অভিজিতের মনে হইল—“মাহুষের ভিতরের রহস্য বিধাতা বাহিরের কোথাও না কোথাও

লিখে রেখেছেন ; আমার অন্তরের কথা আছে ঐ মুক্তধারার মধ্যে । তারই পায়ে ওরা যখন লোহার বেড়ি পরিয়ে দিলে তখন হঠাৎ যেন চমক ভেঙে বুঝতে পাবলুম উত্তরকূটের সিংহাসনই আমার জীবনশ্রোতের বাঁধ । পথে বেরিয়েছি তারই পথ খুলে দেবার জন্তে ।” অভিজিৎ রাজকুমার সঞ্জয়কে বলিলেন—“আমার জীবনের শ্রোত রাজবাড়ির পাথর ভিঙিয়ে চলে’ যাবে এই কথাটা কানে নিয়েই পৃথিবীতে এসেছি ।” অভিজিৎ বুঝিলেন প্রাণ দিয়াও মুক্তধারার বাঁধ তাঁহাকে ভাঙিতেই হইবে ।

এমন সময় রাজাজ্ঞায় ধৃত হইয়া যুবরাজ কারাগারে বন্দী হইলেন । তখন সূর্য্য ডুবিতেছে, যন্ত্রের চূড়াটা সূর্য্যাস্তমেঘের বুক ফুঁড়িয়া উগতমুষ্টি দানবের মত দাঁড়াইয়া রহিল, আর রহিল ভৈরব-ত্রিশূল ।

উত্তরকূটের উৎসব চলিতে লাগিল । উত্তরকূটের অধিবাসীরা জয়-গর্বে উন্নত, সপ্তাহ পরেই শিবতরাইয়ে চাষের ক্ষেত শুকাইয়া আসিবে । উত্তরকূটের পুরদেবতা এতদিন পরে প্রসন্ন হইয়াছেন, তৃষ্ণার শূলে বিদ্ধ করিয়া শিবতরাইকে এইবার তিনি উত্তরকূটের পদতলে ফেলিয়া দিবেন । উত্তরকূটের বালকদলও জানে যে উত্তরকূটের অধিবাসীরাই সকলের উপর জয়ী, তাহারাও জয়ধ্বনি করিতে লাগিল । শিবতরাইয়ের প্রজারা রাজার নিকট তাহাদের দুঃখের কথা জানাইতে আসিয়াছিল, উত্তরকূটের অধিবাসীরা তাহাদিগকেও জোর করিয়া চুঁটি টিপিয়া বলাইতে লাগিল—“জয় যুবরাজ বিভূতির জয় !” স্বেচ্ছায় ও অনিচ্ছায় উচ্চারিত জয়ধ্বনির মধ্যে মাঝে মাঝে শুনা গেল —

বজ্রঘোষ-বাণী

কদ্র, শূলপাণি

মৃত্যুসিদ্ধ-সস্তর

শঙ্কর, শঙ্কর !

ক্রমে সন্ধ্যা হইয়া আসিল, সূর্য্য অস্ত গিয়াছে, আকাশ অন্ধকার, কিন্তু রৌদ্রের মদ খাইয়া যন্ত্রের চূড়াটা তখনও লাল হইয়া জ্বলিতেছে, আর অস্তসূর্য্যের আলো স্পর্শ করিয়া রহিয়াছে ভৈরব-মন্দিরের ত্রিশূল ।

এমন সময় বন্দীশালায় আগুন লাগিল । এই স্নযোগে খুড়ামহারাজ বিশ্বজিৎ যুবরাজকে বন্দীশালা হইতে বাহির করিয়া আনিয়া বলিলেন—“তোমাকে বন্দী করতে এসেছি । মোহনগড়ে যেতে হবে ।” অভিজিৎ জানেন যে এবার

সময় হইয়াছে, আর অপেক্ষা করা চলিবে না। তিনি বলিলেন—“আমাকে আজ কিছুতেই বন্দী করতে পারবে না, না ক্রোধে, না স্নেহে। তোমরা ভাব্চ তোমরাই আশুন লাগিয়েচ? না, এ আশুন যেমন ক’রেই হোক লাগ্‌ত। আজ আমার বন্দী থাকবার অবকাশ নেই।” অভিজিৎ বলিলেন,—“জন্মকালের ঋণ শোধ করতে হবে। শ্রোতের পথ আমার ধাত্রী, তার বন্ধন মোচন কর্ব।” এই বলিয়া অন্ধকারের মধ্যে অভিজিৎ চলিয়া গেলেন—

“কানে নিয়ে নিখিলের হাহাকার
শিরে নিয়ে উন্নত দুর্দিন,
চিত্তে নিয়ে আশা অস্বহীন,
হে নির্ভীক, দুঃখ-অভিহত!”

বাউল গাহিল—

“ও ত আর ফিরবে না রে, ফিরবে না আর,
ফিরবে না রে!”

অমাবস্তার রাত্রি অন্ধকার হইয়া আসিল। যন্ত্রের চূড়াটা অন্ধকারে ভূতের মতন কালো দেখাইতেছে, কিন্তু ভৈরব-ত্রিশূল আর স্পষ্ট দেখা যায় না। যুবরাজ বন্দীশালায় নাই শুনিয়া উত্তরকূটের অধিবাসীরা ক্লেপিয়া উঠিয়াছে; যুবরাজকে তাহারা রাত্রির অন্ধকার পথে পথে খুঁজিয়া বেড়াইতে লাগিল। নন্দিসঙ্কটের ভাঙা গড় নূতন করিয়া গাঁথিয়া তুলিবার ষড়যন্ত্র চলিতেছে, যজ্ঞরাজ বিভূতির দলবল রাত্রির অন্ধকারে গোপনে শিবতরাইএ যাত্রা করিয়াছে, পথে যাহাকে পায় জোর করিয়া ধরিয়া লইয়া চলিল। শিবতরাইয়ের প্রজারাও পথে বাহির হইয়াছে যুবরাজকে খুঁজিবার জন্ত।

মশাল নিবিয়া গিয়াছে, বাতি জ্বলিতেছে না, রাত্রির অন্ধকারে দলে দলে লোক পথে ঘুরিয়া বেড়াইতেছে, কেহ কাহাকেও চিনিতে পারে না, কে কোন্ দিকে চলিয়াছে ঠাহর পায় না, শুধু যন্ত্রের চূড়াটা তখনও যেন ইসারা করিতেছে।

অন্ধকারে বৃদ্ধ বটুক ডাকিতেছে—“জাগো, ভৈরব জাগো!” অস্বা পথে পথে কাঁদিয়া ফিরিতেছে—“সুমন! বাবা সুমন! অন্ধকার হয়ে এল, সব অন্ধকার হয়ে এল!” বৈরাগী গান ধরিলেন—

প্রহর জাগে প্রহরী জাগে,
তারায় তারায় কাঁপন লাগে।

অন্ধকারে আবার শোনা গেল অস্বাভাবিক ক্রন্দন—“মা ডাকে ! মা ডাকে !
ফিরে আয়, সুমন, ফিরে আয় !” এমন সময় ভৈরবের ডমরু বাজিয়া উঠিল।
হঠাৎ শোনা গেল মুক্ত-ধারার বাঁধন-ভাঙা জ্বলোচ্ছ্বাস। বৈরাগী গাহিলেন—

বাজে রে বাজে ডমরু বাজে
হৃদয় মাঝে হৃদয় মাঝে।

কুমার সত্ত্বয় আনিয়া খবর দিলেন যে যুবরাজ অভিজিৎ মুক্তধারার বাঁধ
ভাঙিয়াছেন, কিন্তু যন্ত্রাস্বরও তাঁহাকে আঘাত ফিরাইয়া দিল, মুক্তধারার
অভিজিৎের আহত দেহকে কোলে তুলিয়া চলিয়া গিয়াছে।

অন্ধকারে জলশ্রোতের শব্দ শোনা যাইতে লাগিল আর বাজিতে লাগিল
ভৈরব-মন্ত্র—

জয় ভৈরব, জয় শঙ্কর
জয় জয় জয় প্রলয়ঙ্কর।
জয় সংশয়-ভেদন,
জয় বন্ধন-ছেদন,
জয় সংকট-সংহর
শঙ্কর শঙ্কর !

(২)

যুবরাজ অভিজিৎ ছিলেন সকলেরই প্রিয় উত্তরকূটের অধিবাসীরা তাঁহাকে
সতাই ভালবাসিত, উত্তরকূটের মেয়েরাও জানে যে “উনি ত সবারই হৃদয়
জয় ক’রে নিয়েছেন।” অথচ অভিজিৎকে নিজের দেশের লোকের বিরুদ্ধেই
সংগ্রাম করিতে হইয়াছে। মহারাজ রণজিৎ দুঃখ করিয়াছেন—“এ-যে নিজের
লোকের বিরুদ্ধে বিদ্রোহ।” যুবরাজ অভিজিৎ যখন বাঁধ ভাঙিবার প্রস্তাব
করিয়া পাঠাইয়াছিলেন তখন যন্ত্ররাজ বিভূতিও এই আক্ষেপই করিয়াছেন—
“স্বয়ং উত্তরকূটের যুবরাজ এমন কথা বলেন ? তিনি কি আমাদেরই নন ?
তিনি কি শিবতরাইয়ের ?”

কিন্তু শুধু শিবতরাইয়ের দুঃখ দূর করিবার জন্ত যুবরাজ প্রাণ দিয়াছেন
বলিলে তাঁহার আত্মোৎসর্গকে ছোট করিয়া দেখা হইবে। এক হিসাবে শুধু
অভিজিৎের নহে, প্রত্যেক মানুষেরই জন্ম মুক্তধারার ঝড়গাতলায় পথের ধারে।

মাহুষ জন্মলাভ করে মুক্ত অবস্থায়, জন্মকালে তাহার কোন বন্ধন থাকে না, ক্রমে সে নিজের বন্ধন নিজেই সৃষ্টি করে। প্রয়োজন সিদ্ধির উদ্দেশ্যে মাহুষ নানাপ্রকার উপায় অবলম্বন করে, নানাপ্রকার ব্যবস্থার আয়োজন করে। কিন্তু উপায় যখন উদ্দেশ্যকে ছাড়াইয়া যায়, প্রয়োজন যখন আনন্দকে অতিক্রম করে, ব্যবস্থামাত্রই তখন যান্ত্রিক হইয়া উঠে। যান্ত্রিক-ব্যবস্থা জীবনের গतिकে অবরুদ্ধ করে, সমস্ত মাহুষের চলাচলের পথ বন্ধ করিয়া দাঁড়ায়। যান্ত্রিক-বন্ধন শুধু যে আলাদা আলাদা করিয়া এক-একটি মাহুষকে আঘাত করে তাহা নহে, সমস্ত মনুষ্যজাতিকে পীড়িত করিয়া তুলে। যেখানে বন্ধন সেইখানেই সমস্ত মাহুষের বেদনা সঞ্চিত হইয়া উঠে। অভিজিতের মতন যে মাহুষ নিজের জন্ম-কথার অর্থ জানিয়াছে সেই বুদ্ধিতে পারে এই বেদনা কি দুঃসহ, এই বন্ধন কি বীভৎস!

মাহুষের হাতে বিধাতা প্রচণ্ড শক্তি দিয়াছেন, বস্তু-পিণ্ডের দ্বারা, উপায় উপকরণ ব্যবস্থা আয়োজনের দ্বারা কাজ করাইয়া লইবার শক্তি মাহুষের ব্রহ্মাঙ্গ। এই ক্ষমতা কলাণের পক্ষে প্রয়োগ করিলে মঙ্গল। কিন্তু স্বার্থ যখন প্রবল হইয়া উঠে, লোভ যখন দুর্বলকে হিংসা করে, জাতীয় অহমিকা যখন প্রচণ্ড হইয়া উঠে, মাহুষ তখন নিজের অমোঘ ব্রহ্মাঙ্গ মাহুষকে পীড়ন করিবার জন্ত ব্যবহার করে, বিশ্বপাপ তখন বিকটমূর্তি ধারণ করে—

“ভীকর ভীকৃতাপুঞ্জ, প্রবলের উদ্ধত অত্যাগ,

লোভীর নিষ্ঠুর লোভ,

বিকৃতির নিত্য চিত্ত-ক্ষোভ,

জাতি-অভিমান,

মানবের অধিষ্ঠাত্রী দেবতার বহু অসম্মান,

বিধাতার বক্ষ আজি বিদীরিয়া,

ঝটিকার দীর্ঘশ্বাসে জলে স্থলে বেড়ায় ফিরিয়া !”

কিন্তু যান্ত্রিক-ব্যবস্থার বেদনা কোথায় গিয়া লাগে? যে অত্যাচার করে, যাহার হৃদয় কঠিন সে ত বেদনা অনুভব করে না। যে নিরপরাধ' যে দুর্বল তাহাকেই বেদনা সহ্য করিতে হয়। কত মা পুত্রকে হারায়, কত স্ত্রী স্বামীকে হারায়, কত ভাই ভাইকে হারায়, কত নিরপরাধের সর্বনাশ হইয়া যায়। এইজন্তই ত পাপের আঘাত এমন নিষ্ঠুর। যেখানে পাপ, শাস্তি সেখানে আসে না। কিন্তু উপায় নাই, মাহুষের সমাজে একজনের পাপের ফলভোগকে

অপর সকলকেই ভাগ করিয়া লইতে হয়, কারণ অতীতে ভবিষ্যতে দূরদূরান্তে হৃদয়ে হৃদয়ে পরস্পরের সহিত গ্রথিত হইয়া রহিয়াছে। মানুষের মধ্যে আসলে কোন বিচ্ছেদ নাই। সেইজন্য পিতার পাপ পুত্রকে বহন করিতে হয়, বন্ধুর পাপে বন্ধুকে প্রায়শ্চিত্ত করিতে হয়, প্রবলের উৎপীড়ন দুর্বলকে সঙ্ক করিতে হয়।

একথা বলিলে চলে না যে অগ্নের কর্মফল আমি ভোগ করিব কেন। কবি বলিয়াছেন—“হাঁ, আমিই ভোগ করুব এই কথা ব’লে প্রস্তুত হও। নিজের জীবনকে শুচি কর, তপস্বী কর, দুঃখকে গ্রহণ কর! তোমার নিজের জীবনকে যদি পরিপূর্ণরূপে উৎসর্গ না কর তবে পৃথিবীর জীবনের ধারা নির্মল থাকবে কেমন ক’রে, প্রাণবান্ হয়ে উঠবে কেমন ক’রে? ওরে তপস্বী, তপস্বায় প্রবৃত্ত হ’তে হবে—সমস্ত জীবনকে আহুতি দিতে হবে, তবেই যদুভঙ্গ্য তং—যা ভঙ্গ তাই আসবে।”

যাহারা দুর্বল যাহারা অক্ষম তাহারা অত্যাচারিত হয়। এই অত্যাচার, এই অবিচার, অক্ষমের অপমান, ভীত ভ্রম দরিদ্রের বেদনার পরিহাস বড় নিদারুণ। কিন্তু এই দুঃখকে জয় করা যায়। শিবতরাইয়ের প্রজারা মার খাইয়াছিল, অবিচলিত সহশক্তির দ্বারা ধনঞ্জয় বৈরাগী দেখাইলেন যে মারের উপরেও জয়ী হওয়া যায়। বৈরাগী ধৈর্যের দ্বারা দুঃখকে জয় করিতে শিখাইয়াছেন, এ শিক্ষা সত্য শিক্ষা। যাহারা দুর্বল, যাহারা অত্যাচারিত তাহাদের পক্ষে এ শিক্ষা শ্রেষ্ঠ শিক্ষা।

কিন্তু আরেক প্রকার দুঃখও আছে, সমস্ত মানুষের স্মৃতিদুঃখকে একত্র করিয়া যে একটি পরম বেদনা, পরম প্রেম রহিয়াছে তাহাও সত্য। সেইজন্যই এক জায়গার বেদনায় অপর জায়গায় আঘাত লাগে, পাপের বেদনায় সমস্ত বিশ্ব কাঁপিয়া উঠে, সমস্ত মানুষের প্রায়শ্চিত্ত সকল মানুষকেই করিতে হয়। যে হৃদয় প্রীতিতে কোমল, দুঃখের আগুন তাহাকেই প্রথম দগ্ধ করে। সমস্ত মানুষের বেদনাকে যে লোক হৃদয়ে অহুভব করিয়াছে সহশক্তির দ্বারা শুধু দুঃখনিবৃত্তি করিয়া তাহার নিষ্কৃতি থাকে না—

“ছুটেছে সে নির্ভীক পরাণে

সঙ্কট-আবর্তমাঝে, দিয়েছে সে বিশ্ব বিসর্জন

নির্যাতন লয়েছে সে বক্ষ পাতি ; মৃত্যুর গর্জন

ভনেছে সে সঙ্গীতের মত !.....

.....সুনিয়াছি তারি লাগি

রাজপুত্র পরিয়াছে ছিন্ন কস্থা, বিষয়ে বিবাগী
পথের ভিক্ষুক ! মহাপ্রাণ সহিয়াছে পলে পলে
সংসারের ক্ষুদ্র উৎপীড়ন, বিধিয়াছে পদতলে
প্রত্যাহের কুশাকুর, করিয়াছে তারে অবিখ্যাস
মৃত বিজ্ঞজনে, প্রিয়জন করিয়াছে পরিহাস
অতিপরিচিত অবজায়, গেছে সে করিয়া ক্ষমা
নীরবে করণনেত্রে—অস্তরে বহিয়া নিকুপমা
সৌন্দর্য্য-প্রতিমা !”

উত্তরকূটের অধিবাসীরা স্বার্থের উত্তেজনায় কত মানুষকে পীড়া দিয়াছে। শিবতরাইয়ের প্রজারা দুঃখ পাইয়াছে, বটুক দুঃখ পাইয়াছে, স্তম্ভনের মা দুঃখ পাইয়াছে, এ সকল দুঃখ সামান্য নহে—কিন্তু এ সমস্ত দুঃখ ফিরিয়া আসিয়া আঘাত করিল সকলের প্রিয় বেদনায় সক্রম নীরব নন্দ মহাপ্রাণ যুবরাজ অভিজ্ঞকে।

যাহার চিন্ত-তন্ত্রীতে আঘাত করিলে সব চেয়ে বেশি বাজে তাহাকেই সমস্ত পৃথিবীর বেদনা অধিক করিয়া আঘাত করে। তাহার চক্ষে তন্দ্রা ছুটিয়া যায়, বেদনার আঘাতে বন্ধন খসিয়া পড়ে, দূরদিগন্তে সে স্তনিত্তে পায় রক্তের ভৈরব-মস্ত তাহাকে আহ্বান করিতেছে।—

“তোমার পথের পরে তপ্ত রৌদ্র এনেছে আহ্বান

রক্তের ভৈরব গান।

দূর হ'তে দূরে

বাজে পথ শীর্ণ তীব্র দীর্ঘতান সুরে,

যেন পথ-হারা

কোন বৈরাগীর একতারা।”

সেইজগুই, কুমার সঙ্ঘ আসিয়া যখন মনে করাইয়া দিলেন “সকালে যে আসনে তুমি পূজায় বস, মনে আছে ত সে-দিন তার সামনে একটি খেত পদ্ম দেখে তুমি অবাক হয়েছিলে? তুমি জাগ্রাবার আগেই কোন ভোরে ঐ পদ্মটি লুকিয়ে কে তুলে এনেচে, জানতে দেয় নি সে কে—কিন্তু ঐটুকুর মধ্যে কত সুধাই আছে সে কথা কি আজ মনে করবার নেই? সেই ভীক যে আপনাকে গোপন করেছে, কিন্তু আপনার পূজা গোপন করতে পারেনি, তার মুখ কি

তোমার মনে পড়্চে না ?” যুবরাজ অভিজিৎ বলিলেন—“পড়্চে বই কি । সেইজন্মই ত সইতে পাচ্চিনে ঐ বীভৎসটাকে যা এই ধরণীর সঙ্গীত বোধ ক’রে দিয়ে আকাশে লোহার দাঁত মেলে হাশ্ব কর্চে । স্বর্গকে ভালো লেগেচে বলেই দৈত্যের সঙ্গে লড়াই করতে যেতে স্থিধা করিনে ।” সমস্ত মাতৃশব্দে ক্রন্দন যুবরাজ শুনিয়াছেন, কে তাঁহাকে ঘরে ধরিয়া রাখিবে ?

“না রে না রে হবে না তোর স্বর্গসাধন

সেখানে যে মধুর বেশে

ফাঁদ পেতে রয় স্নেহের বঁধন ।”

কুমার সঞ্জয় আসিয়া আবার বলিলেন—“যা কঠিন তার গৌরব থাকতে পারে, কিন্তু যা মধুর তারও মূল্য আছে ।” অভিজিৎ উত্তর করলেন—“ভাই, তারি মূল্য দেবার জন্মেই কঠিনের সাধনা । আমি কঠোরতার অভিমান রাখিনে ।—চেয়ে দেখ ঐ পাখী দেবদাকু-গাছের চূড়ার ডালটির উপর একলা বসে আছে ; ও কি নীড়ে যাবে, না, অন্ধকারের ভিতর দিয়ে দূর প্রবাসের অরণো যাত্রা করবে জানিনে ; কিন্তু ও যে এই সূর্যাস্তের আকাশের দিকে চূপ ক’রে চেয়ে আছে সেই চেয়ে থাকার স্বরটি আমার হৃদয়ে এসে বাজ্চে । স্নন্দর এই পৃথিবী, যা-কিছু আমার জীবনকে মধুময় করেছে সে সমস্তকেই আজ আমি নমস্কার করি ।...ঐ দেখ সঞ্জয়, গৌরীশিখরের উপর সূর্যাস্তের মূর্তি । কোন্ আশুনের পাখী মেঘের ডানা মেলে রাত্রির দিকে উড়ে চলেচে । আমার এই পথযাত্রার ছবি অন্তসূর্য্য আকাশে এঁকে দিলে ।”

“ওরে যাত্রী

ধূসর পথের ধূলা সেই তোর ধাত্রী,

চলার অঞ্চলে তোর ঘূর্ণাপাকে বক্ষেতে আবাবি’

ধরার বন্ধন হ’তে নিয়ে যাক হরি’

দিগন্তের পারে দিগন্তরে ।

ঘরের মঙ্গল শঙ্খ নহে তোর তরে,

নহে রে সঙ্কার দীপালোক,

নহে প্রেয়সীর অশ্রু-চোখ ।

বটুক যখন কাছে আসিয়া চুপে চুপে জিজ্ঞাসা করিল—“তবে শুনেচ বৃষ্টি ? ভৈরবের আহ্বান শুনেচ ?” অভিজিৎ বলিলেন—“শুনেচি ।” বটুক—

“সর্বনাশ! তবে ত তোমার নিকৃতি নেই?” অভিজিৎ—“না, নেই।”
 বটুক—“সইতে পারবে কি যুবরাজ, যখন বন্ধ বিদীর্ণ হয়ে যাবে?”
 অভিজিৎ—“ভৈরবের প্রসাদে সইতে পারব।” বটুক—“চারিদিকে
 সবাই যখন শত্রু হবে? আপন লোকে ধিক্কার দেবে?” অভিজিৎ
 —“সইতেই হবে।” বটুক—“তা হলে ভয় নেই।” অভিজিৎ—“না, ভয়
 নেই।”

যুবরাজ অভিজিৎ জানিতেন যে ক্রুর প্রসাদ তাঁহার জন্ত অপেক্ষা
 করিতেছে।

“পথে পথে অপেক্ষিছে কালবৈশাখীর আশীর্বাদ,
 শ্রাবণরাত্রির বজ্র-নাদ।
 পথে পথে কণ্টকের অভ্যর্থনা
 পথে পথে গুপ্ত সর্প গূঢ়ফণা!
 নিন্দা দিবে জয়শঙ্খনাদ
 এই তোর ক্রুর প্রসাদ।”

যুবরাজ অভিজিৎ বেশি কথা বলেন নাই. কারণ তাঁহার মনে কোন
 দ্বিধা ছিল না। তিনি কাহাকেও ডাকেন নাই; কাহাকেও তিনি সঙ্গে
 লইলেন না। তিনি বুঝিয়াছিলেন—“আমার উপর যে কাজ পড়েছে সে একলা
 আমারই।”

কুমার সঞ্জয় অহুরোধ করিলেন—“যুবরাজ, আমাকেও তোমার সঙ্গী ক’রে
 নাও!” যুবরাজ সঞ্জয়কে কঠোর ভাবে বাধা দিয়াছেন—“না ভাই, নিজের
 পথ তোমাকে খুঁজে বের করিতে হবে। আমার পিছনে যদি চল তাহলে
 আমিই তোমার পথ আড়াল করুব।” কুমার সঞ্জয় যুবরাজকে ভালবাসিতেন;
 নিজের ভালবাসাকে চরিতার্থ করিবার জন্তই তিনি যুবরাজকে অনুসরণ করিতে
 চাহিলেন। যুবরাজ একথা বুঝিতে পারিয়াছিলেন, তিনি জানিতেন যে
 সঞ্জয়ের নিকট মুক্তধারার রহস্যের কোন অর্থ নাই, সঞ্জয়ের কানে মুক্তধারার
 আহ্বান পৌঁছায় নাই, তাই সঞ্জয়কে তিনি ঠেকাইয়া রাখিলেন। যুবরাজের
 কর্ণের পুনরাবুত্তিমাত্র করিয়া কোন ফল নাই, যুবরাজ যেমন নিজের পথে
 চলিয়াছেন সঞ্জয়কে সেই রকম নিজের পথ খুঁজিয়া চলিতে হইবে, যুবরাজের
 জীবনের ইহাই চরম শিক্ষা।

অভিজিৎ জানিতেন যে প্রত্যেক মানুষকেই নিজের পথ খুঁজিয়া চলিতে হইবে; এইজন্যই তিনি দল গড়িবার চেষ্টা করেন নাই। দলের মধ্যে নিজের পথ খুঁজিয়া পাওয়া শক্ত। যাহারা দলে ভিড়িয়া পড়ে তাহারা উপলব্ধি করিবার অবসর পায় না যে সত্যকে অন্তরে অঙ্কুরিত করিয়াছে কি না। দেশের ইচ্ছায় অভিভূত হইয়া বৃষ্টিতে পারে না যে দলের আদর্শ সত্যই নিজের আদর্শ নহে। দলের মোহ ক্রমে অসত্যকে প্রাণ দেয়, বাধা বুলি আবৃত্তি করিয়া সত্যকে বাধাগ্রস্ত করিতে থাকে, সফলতা মাত্রকেই বাহিরের দিক দিয়া পাইবার চেষ্টায় সত্যকে খর্ব করে।

অভিজিৎ বুলিয়াছিলেন যে সংখ্যাবাহুল্য অথবা আয়তন-বিশালতার দ্বারা সত্যের মূল্য নির্ধারণ হইতে পারে না, তিনি জানিতেন যে বিন্দুপরিমাণ সত্যের মূল্যও অসীম, তাই তিনি বারংবার বলিয়াছেন নিজের অন্তরের মধ্যে যে সত্যবোধ তাহাকেই জাগ্রত কর, অন্তের মুখের দিকে তাকাইও না, বাহিরের সফলতার দিকে তাকাইও না। বিশ্বজিৎ যখন জানাইলেন—“তোমার শিবতরাইয়ের ভক্তদল যে তোমার কাজে হাত দেবার জন্তে অপেক্ষা ক’রে আছে, তাদের ডাকবে না?” অভিজিৎ বলিলেন—“যে ডাক আমি শুনেছি সেই ডাক যদি তারাও শুনত তবে আমার জন্তে অপেক্ষা করত না। আমার ডাকে তারা পথ ভুলবে।”

নিজের সম্বন্ধে যুবরাজের মনে কিন্তু কখনও সন্দেহ মাত্র হয় নাই, প্রথম হইতে শেষ পর্যন্ত তাঁহার সংকল্প স্থির, তাঁহার বিশ্বাস অচঞ্চল। অত্মকে বলিলেন, স্বমন যে পথে গিয়াছে তিনি নিজেও সেইপথেই যাইবেন। অত্ম বলিল—“যখন তার দেখা পাবে, বোলো মা তার জন্তে পথ চেয়ে আছে।” পরিপূর্ণ ভরসায় যুবরাজ শুধু একটি কথা বলিলেন—“বল্বে।” যাইবার সময়ে বিশ্বজিৎ যখন বড়ই ব্যাকুল হইয়া বলিলেন—“কেবল একটি আশ্বাসের কথা বলে যাও যে, আবার মিলন ঘটবে।” অকম্পিত চিন্তে যুবরাজ উত্তর দিলেন—“তোমার সঙ্গে আমার বিচ্ছেদ হবার নয় এই কথাটি মনে রেখো।” হৃদয়ে অপরিমিতা শাস্তি লইয়া যুবরাজ চলিয়া গেলেন।

কুমার সঞ্জয় মুক্তধারার নিকটেও অভিজিৎয়ের জন্ম অপেক্ষা করিতেছিলেন, কিন্তু অভিজিৎ কুমারকে আর অগ্রসর হইতে দিলেন না, একা চলিয়া গেলেন। সমস্ত দুঃখ সমস্ত পাপের সম্মুখে যেন একাই দাঁড়াইতে চাহিলেন।

“দুঃখেতে দেখেছি নিত্য, পাপেতে দেখেছি নানা ছলে ;
অশাস্তির ঘূর্ণি দেখি জীবনের শ্বোতে পলে পলে ;

মৃত্যু করে লুকাচুরি
সমস্ত পৃথিবী ছুড়ি ।

ভেসে যায় তা’রা স’রে যায়
জীবনেতে ক’রে যায়
ক্ষণিক বিদ্রুপ ।

আজ দেখ তাহাদের অভ্রভেদী বিরাট স্বরূপ !

তা’র পরে দাঁড়াও সম্মুখে,
বল অকম্পিত বৃকে,—

‘তোরে নাহি করি ভয়,

এ সংসারে প্রতিদিন তোরে করিয়াছি জয় ।

তোর চেয়ে আমি সত্য এ বিশ্বাসে প্রাণ দিব, দেখ !

শাস্তি সত্য, শিব সত্য, সত্য সেই চিরন্তন এক !”

যুবরাজ অভিজিৎ জীবনের চরম মূলা দিয়া সমস্ত মানুষের জন্ম পঞ্চ মোচন
করিয়া দিলেন, নিজের প্রাণ উৎসর্গ করিয়া ভৈরবকে জাগাইলেন ।^১

এইরূপ করিয়াই ভৈরবের জাগরণ হয় । স্বার্থের বন্ধনে জর্জর হইয়া,
রিপুর আঘাতে আহত হইয়া মানুষ যখন প্রত্যেক পাশের লোককে আঘাত
করে ও আঘাত পায়—সেই প্রত্যেক আমাদের ক্রন্দনধ্বনি ভয়ানক বিশ্বযজ্ঞের
মধ্যে সকল মানুষের প্রার্থনারূপে প্রলয়-নৃত্যে গর্জন করিয়া উঠে ।

“মরণের গান

উঠেছে ধ্বনিয়া পথে নবজীবনের অভিসারে

ঘোর অন্ধকারে—

১। মে মাসের Modern Review পত্রিকায় “মুক্তধারার” ইংরেজি অনুবাদের পরিশিষ্টে
রবীন্দ্রনাথ নিজে লিখিয়াছেন—“I must ask my readers to treat it as a representa-
tion of a concrete fact of psychology” এবং যুবরাজ অভিজিৎই যে নাটকখানির
প্রধান পাত্র এরূপ আভাস দিয়াছেন। এইজন্যই এতক্ষণ আমরা যুবরাজ অভিজিৎের
কথা আলোচনা করিয়াছি। “মুক্তধারা” নাটকখানির মধ্যে অবশ্য অসংখ্য অনেক কথা আছে,
সুবিধা হইলে পরে সে সম্বন্ধে আলোচনা করিবার ইচ্ছা রহিল ।

যত দুঃখ পৃথিবীর, যত পাপ, যত অমঙ্গল
 যত অশ্রুজল,—
 যত হিংসা হলাহল
 সমস্ত উঠেচে তরঙ্গিয়া
 কুল উল্লঙ্ঘিয়া.
 উর্দ্ধ আকাশে বান্ধ করি।”

মানুষ বলে, “জাগো, ভৈরব জাগো! কঠিন আঘাতে সকল আঘাতকে
 নিরস্ত কর। সমস্ত বিশ্বের পাপ হৃদয়ে হৃদয়ে ঘরে ঘরে দেশে দেশে পুঞ্জীভূত—
 তুমি আজ সেই পাপ মার্জনা কর!”

সঞ্চিত বিশ্বপাপ যখন বিকটমূর্তি ধারণ করে, প্রেমিকের আত্মনিবেদনে
 ভৈরব তখন জাগিয়া উঠেন।

“স্বার্থের সমাপ্তি অপঘাতে। অকস্মাৎ
 পরিপূর্ণ স্ফীতিমাঝে দারুণ আঘাতে
 বিদীর্ণ বিকীর্ণ ক’রি চূর্ণ করে তা’রে
 কাল-ঝঙ্কারাকারিত দুর্যোগ-আধারে।
 একের স্পর্ধারে কভু নাহি দেয় স্থান
 দীর্ঘকাল নিখিলের বিঘাট বিধান।”

যে জাতি আপন শক্তি ও ধনসম্পদকেই সর্বাপেক্ষা শ্রেয় জ্ঞানে জাতীয়
 অহমিকাকে প্রচণ্ড করিয়া তুলিয়াছে, প্রলয়-মুহূর্তে তাহার সেই উদ্ধত ঐশ্বর্যের
 বিদীর্ণ প্রাচীর ভেদ করিয়া ক্রন্দ্রের মার্জনা নামিয়া আসে—

“গর্জমান বজ্রাগ্নিশিখায়
 সূর্যাস্তের প্রলয়লিখায়
 রক্তের বর্ষণে,

অকস্মাৎ সংঘাতের ঘর্ষণে ঘর্ষণে .”

যে জাতি আপন শক্তি ও সম্পদকে অবিশ্বাস করিয়া জড়তা, দৈন্ত ও
 অপমানের মধো নির্জীব অসাড় হইয়া পড়িয়াছে, দুর্ভিক্ষ ও মারী, প্রবলের
 অবিচার, আঘাতের পর আঘাতের দ্বারা তাহাকে অস্থিমজ্জার কম্পাশিত করিয়া
 ভৈরবের আবির্ভাব হয়। অন্ধকার রাত্রে ক্রন্দ্রের-রথচক্রের বজ্রগর্জনে মেদিনী
 বলির পশুর ছৎপিণ্ডের মত কাঁপিয়া উঠে—প্রলয়দাহের ক্রন্দ্র-আলোকে স্তূপাকার

পাপের দহনদীপ্তিতে ভৈরব আপনাকে প্রকাশ করেন।^১ সমস্ত বন্ধন ভাসিয়া যায়, চলাচলের পথ জুড়িয়া বাজিতে থাকে—

জয় ভৈরব জয় শঙ্কর

জয় জয় জয় প্রলয়কর !

১। উদ্ধৃত অংশগুলি বলাকা (পৃ: ৪৫, ২৬, ২৭, ১১৬, ১১৭), চিত্রা (“এবার ফিরাও মোরে”, পৃ: ১২), গীতালি (পৃ: ৫০) ও নৈবেদ্য (পৃ: ৬৫, ৭৪) হইতে এবং অগ্র কতকগুলি অংশ শাস্তিনিকেতনী, ১৭শ খণ্ড, (“মা মা হিংসী”, পৃ: ৪৭ ও “পাপের মার্জনা” পৃ: ৫৭-৫২), বর্ষ (“দুঃখ”, পৃ: ১০৮) হইতে সামান্য পরিবর্তন করিয়া লওয়া হইয়াছে।